



## Universitätsbibliothek Paderborn

**Commentaria Vetustissima & profundissima Super  
Canticvm Canticorvm Salomonis Qvod Hebraice Dicitvr  
Sirhasirim**

**Wolbero <de Sancto Pantaleone>**

**Coloniae Agrippinae, 1630**

Versvs XII. Oculi eius sicut columbae super riuulos aquarum, quae lacte  
sunt lotae, & resident iuxta fluenta plenißima.

**urn:nbn:de:hbz:466:1-10027**

Philip. 3.

Vnde dicuntur quasi elatae palmarum, quia cum eorum conuersatio in cœlis esset, mente quoque per contemplationem in cœlum suspendebantur, de victâ & calcata omni terrenæ deletionis molestia, cuius spiritualis triumphi gloria per palmam significatur, quæ est signum victoriæ. Sed quia pro hac victoriâ adipiscendâ non paruis afflicti sunt malis, siue à prauis hominibus aduersa preferendo, siue in se ipsis carnem suam cum vitijs & concupiscentijs crucifigendo, rectè dicuntur, nigrae quasi coruus. Contemptores siquidem mundanæ gloriæ, à mundi amatoribus quasi viles & obscuri reputabantur, sed eò magis ad gloriam & decorum diuini capitum veluti subtilem comæ aptabantur, quo magis à secularibus pro diuinitatis amore despicebantur.

Sanctæ scripturæ cur dicantur comæ sicut clavis palmarum, nigrae quasi coruus.

Porrò scripturæ sanctæ quæ per eos depromptæ sunt, ob hoc diuini capitum Comæ dici possunt, quia sicut comæ de capite nascuntur, ita sanctæ scripturæ ex diuinâ sapientiâ producuntur, & sicut illæ caput ornant, ita scripturæ sanctæ Ecclesiæ Dei eminentiam & principatum decorant. Quæ sicut palmae elatae dicuntur, qui fidelium mentes illarum commonitione vel consolatione, à terrenis ad cœlestia diligēda & appetida subleuat, & ubi spiritualē armaturā contra vitia atque peccata profitentur, usque ad finem quoque benè certantibus æternæ beatitudinis palmam pollicentur.

Sed istæ comæ sicut coruus dicuntur nigrae, quia sanctæ scripturæ multis sunt obscuritatibus inuolutæ, tenebrosa Ps. 17. enim aqua in nubibus aëris, quia profunda est scientia in scripturis sanctis. Quia vero nigredo ista afflictionem siue voluntariam siue coactum significat, idcirco dum in eâ passio quædam animi vel corporis attenditur, dilectus in hac parte vnicolor, id est, rubicundus tantum in corpore tuo prædicatur.

## VERSUS XII.

Oculi eius sicut columbae super riulos aquarum, quæ lacte sunt lotæ, & resident iuxta fluenta plenissima.

**Q**uid per oculos dilecti nisi Prepositi siue Angeli Ecclesiarū intelliguntur, qui quasi speculatori super domum Dei, hoc est sanctam Ecclesiam ponuntur: vnde vni eorum dicit Deus, speculatorum dedi te domui Israel, & audies verbum ex ore Ezech. 3. meo, & annuntiabis eis ex me. Speculator quippe ex alto contemplator, ut aduentum hostium quo longius, eo melius præcaendum annuntiare possit: vnde huiusmodi speculatori dicit Dominus per Prophetam in gutture tuo sit tuba, quasi aquila super Osee. 8. domum Dei. Speculator namque in gutture tubam habet, quâdo apertere & publicè, longè lateque verbum Dei prædicat, & quis finis

Oculi in eadē  
vite dilecti  
sunt præposi-  
tati siue An-  
geli Eccle-  
siarum.

Bb 3

virtu-

virtutibus vitijsque sit sublimi voce & mente annuntiat: qui est quasi aquila super Domum Dei, quia subtilis intelligentiae acumine diuinitati intertendens, ad contemplatiæ vitæ subtilitatem sibi commissos prouocat, expandens super eos alas defensionis suæ, quibus eos & doctrinæ studio & orationum suffragio à malignorum spirituum infidijs conseruet.

**Oculi dilecti** cur dicatur esse sicut oculi columbae, quæ lacte sunt lotæ, quia sancti speculatores super domum Dei intendent, si verè oculi Dei sunt, habent opera simplicitatis & innocentiae, cum cordis & corporis castitate, quibus & se, & sibi subiectos ad vitam nutriunt æternam. Et vnde hoc quia morantur super riuelos aquarum, & resident iuxta fluentia plenissima. Hæc nempe est naturalis consuetudo columbarum, vt super riuelos aquarum sedentes aduentum præcaueant, accipitrum: quia ergo speculatores isti super riuelos aquarum, hoc est sententias scripturarum commorantur, idcirco sciunt & sibi & subiectis propidere, mores componendo siue corrigendo, atque hostis antiqui insidias præcauendo. Resident quoq; iuxta fluentia plenissima, quia quotidio ante oculos habent utriusque testamenti documenta, quæ reuerâ non tantum plena, sed & plenissima sunt omnium Sacra-

**Et resident iuxta fluentia plenissima.**

mentorum scientiâ, quæ & in uno per figuræ & ænigmata proponuntur, & in altero in veritate exhibita prædicantur. Et in hoc tertio membro, vnum gemini coloris in corpore dilecti superius prædicanti considerandus est, videlicet candor, vt animæ lacteo colore lotæ castitatis & munditiae præferant insigne.

## VERSUS XIII.

Genæ illius sicut areola aromatum confitæ à pigmentarijs. Labia eius lilia distillantia myrram primam.

**G**enæ dilecti non inconuenienter accipi possunt continent, diuersarum pluralitate virtutum veluti multitudine pilorum virilitatem animi prætentientium, propositum siuum decorantes qui dum à voluptate oculorum siue aurium, cæterumque sensuum, ciborum quoque & vestium, aliarumque rerum huius mundi deletabilium pro Deo abstinent, quot de se continentiae, odoramenta spargunt, quasi tot aromatum areolas construunt.

Nam, verbi gratiâ, oculorum reuerenda compressio, siue reflexio, pulchra quedam est areola, in quâ quod continentiae resurgent merita, quasi tot aromatum redolent odoramina. Autem

Per genas  
dilecti acci-  
piuntur  
Continen-  
tes.

Cur hæ genæ  
assimilen-  
tur areolis  
aromatum,  
quæ di-  
uersarum  
sunt specie-  
rum.